

տը տոեղ էր նրան երկերեսանի բնաւորութիւն, – նա միեւնոյն ժամանակ նո-
ւաճեալ ժողովուրդ էր հպատակի բոլոր համբերութեամբ, եւ միեւնոյն ժամա-
նակ կատաղի ապստամբ էր, եթէ միջոցները կը նպաստէին նրան:

Այս էր պատճառը, որ Կարօն շատ անգամ ասում էր՝ «այս ժողովրդից
կարելի է մի բան սպասել. նա բոլորովին մեռած չէ. նա մի օր կզգէ իր պարա-
ւոցեն քրդի լուծըն:

Կարօյի գուշակութիւնը անհիմն չէր: Շատախի, Սասնոյ եւ Մոկաց երկ-
րի հայերը, որոնք իրանց կենցաղավարութեամբ չէին զանազանւում քրդե-
րից, բոլորովին ազատ էին եւ ինքնակայ: Նրանք շատ անգամ միանալով քր-
դերի հետ, թալանում էին այս եւ այն երկրները. եւ զարմանալին այն է, որ
չէին խնայում մինչեւ անգամ իրանց ազգայիններին: Սասնոյ հաը երբեք իր
պատեանը չէ դնում մերկացրած խենջարը առանց նրան թաթախելու հա-
կառակորդի արեան մէջ: Նա շատ դժոարութեամբ է դուրս քաշում իր սուրը,
իսկ երբ սուրը մերկացաւ պատեանից, գործը վճռած է. նա պէտք է կոտո-
րէ:

Այս երկրում, որքան ես նկատում էի, իւրաքանչիւր հայի սիրտը նմա-
նում էր կիսահանգած օջախի, որքան քրքրում ես մոխիրը, նոր եւ նոր կայ-
ծեր էին յայտնւում. մի փոքր վառելու նիւթ, մի բորբոք – եւ ահա բռնկեց
կրակը...

Վերջն այնքան վտանգաւոր չէ, երբ վիրաւորը զգում է նրա ցաւը. – դա
կենդանութեան նշան է: Տարօնի եւ Վասսուրականի հայը իսպառ թմրած
չէր, նա իր սրտի մէջ զգում էր վերքերը, հասցրած նրան բռնութեան կոպիտ
ծեռքից: Այս պատճառով նա միշտ սնուցանում էր իր սրտի մէջ վրեժխնդրու-
թեան դառն թոյնը: Ոչ այնքան հայրենասիրութիւնը, ոչ այնքան անձնասի-
րութիւնը դրդում էր նրան դէպի մի այսպիսի միտք, որքան իր եկեղեցու, իր
սրբութիւնների հալածանքը մահմեդական ազգերից: Հայը ամէն բանի համ-
բերում է, ամէն թշուառութիւն տանում է, բայց նա համբերել չէ կարող, երբ
բռնաբարւում է նրա եկեղեցին, նրա միակ սրբարանը: Եկեղեցին հայի
կեանքի նպատակն է եւ նրա բարձրագոյն իդէալը:

Կարօն լաւ էր հասկացել հայի սրտի այս ամենազգալի կողմը, եւ նրա
տեսութիւնը Բարդուղիմէոս առաքելոյ վանքի վանահօր հետ ունէր մի
զաղտնի խորհուրդ, որ կապրած էր իր նպատակների հետ: Ես այս չէի գի-
տենալ, եթէ մի դէպք առիթ չտար ինձ կիսով չափ տեղեկանալ նրա դիտաւո-
րութեանը: